

Análisis maneho di merkado laboral i lei i regulashon	
Kòrsou	
Reformanan ekonómiko	
Lo hasi un análisis integral di e maneho di e merkado laboral aktual, lei i regulashon a base di kua lo aktualisá i modernisá maneho di e merkado laboral. Lo inklui medidanan manera traha mas ora ku tin pará den bo kontrakt (arbeidstijdverkorting), traha parttime, kontraktnan pa un tempu definí, fleksibilisashon di e lei di retiro, eliminashon di bareranan pa tuma trahadó strañero den servisio, tumamentu den servisio ilegal, i e lucha kontra desempleo hubenil den e análisis. Basá riba e análisis, lo desaroyá i implementá proposishonnan.	
Motibu	Merkado laboral lokal pa un tempu largu ta karakterisá pa tiki mobilitat di labor i desempleo relativamente haltu, espesialmente bou di hóbenan. Ademas e produktividat laboral sigun análisisnan anterior ta abou kompará ku e gastunan laboral relativamente haltu. Otro karakteristikanan ta e desigualdat den oferta i demanda di labor i komo konsekuensia di esei un desempleo haltu (21% na 2019) kompañá pa un kantidat relativamente grandi di petishon i konseshon di pèrmit pa empleo di trahadó strañero. Tur esaki ta un defekto grandi ku ta stroba kresementu ekonómiko di Kòrsou.
Ophetivo	E meta tras di esaki ta ku finalmente, dor di aktualisá i modernisá e maneho laboral aktual i lei i regulashon, lo fortifiká merkado laboral di Kòrsou i organis'é di tal forma ku esaki ta duna oportunitat i siguridat na tur hende i por wanta slanan i desaroyonan den futuro. Ku esaki e análisis i e trayekto aki tambe ta kontribuí na e potensial ekonómiko i e kapasidat di hasi ganashi di Kòrsou.
Enkargo	E ofisina di investigashon ta hasi un análisis di e maneho laboral aktual i lei i regulashon ku ta na vigor e implementashon i mantenshon di esei, identifiká bottlenecknan i hasi proposishonnan pa kambionan ku ta hasi e merkado laboral mas resistente i dinámiko. Den esei ta tene retonan spesífiko den e konteksto di Kòrsou na bista. E ofisina ta bini ku sugerensianan pa implementashon eksitoso di kambionan ku a rekomendá. Den esaki ta tene kuenta ku inisiativanan ku ya ta kanando den kuadro di gruponan di guía anterior.
Akshon ku a skohe p'e	Den e añanan ku ta tras di lomba a hasi vários investigashon di e merkado laboral di Kòrsou. E rapòrtan aki ya ta kontené rekomendashonnan, ku a sigui sí òf nò. Investigashonnan i análisisnan eksistente ta forma e punto di salida di e análisis integral destiná, pa kua lo usa un ofisina di investigashon eksterno. Na mes momentu ta importante pa e ofisina di investigashon bai un paso mas aleu pa wak kiko mester pa realmente implementá kambionan. E proseso pa bai di rekomendashon pa implementashon práktiko ta un punto di atenshon importante. Ta di spera ku den e investigashon lo por papia di tantu investigashon kualitativo komo kuantitativo, pero ku e énfasis lo ta riba aspektonan kualitativo.
Logronan deseá	Un rapòrt di investigashon ku rekomendashonnan konkritu pa término kòrtiku i mas largu pa realisá un ekonomia sólido, dinámiko i flèksibel na Kòrsou.
Kondishonnan, koheshon i/òf dependensia	E proyekto aki tambe ta relashoná ku e sistema di siguridat sosial (E.4). Tambe lo mester duna atenshon na burokrasia pa dunadónan di trabou (E.6). E atenshon pa kombatí tumamentu den servisio ilegal (E.3) i labor informal (E.2) tambe ta direktamente ligá na medida E.1.
Planifikashon	Ta duna e enkargo di investigashon pa mas tardá dia promé di òktober. Ta entregá e informe final pa mas tardá dia promé di mei.

Párafo [Aruba/ Kòrsou / Sint Maarten]	Párafo Hulanda